

**FRAMKVÆMDARREGLUGERÐ FRAMKVÆMDASTJÓRNARINNAR  
(ESB) nr. 629/2014****2014/EES/73/44****frá 12. júní 2014****um breytingu á framkvæmdarreglugerð (ESB) nr. 540/2011 að því er varðar skilyrði fyrir samþykki fyrir virka efninu metýlnónýlketóni (\*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1107/2009 frá 21. október 2009 um setningu plöntuverndarvara á markað og um niðurfellingu á tilskipunum ráðsins 79/117/EBE og 91/414/EBE<sup>(1)</sup>, einkum öðrum valkosti í 3. mgr. 21. gr. og 2. mgr. 78. gr.,*og að teknu tilliti til eftirfarandi:*

- 1) Með framkvæmdarreglugerð framkvæmdastjórnarinnar (ESB) nr. 608/2012<sup>(2)</sup> var framkvæmdarreglugerð (ESB) nr. 540/2011<sup>(3)</sup> breytt að því er varðar skilyrðin fyrir samþykki fyrir virka efninu metýlnónýlketóni og sett það skilyrði að tilkynningandinn leggi fram frekari upplýsingar til staðfestingar í formi rannsókna á forskrift með gögnum til stuðnings um framleiðslulutuna og fullgiltar greiningaraðferðir.
- 2) Tilkynningandinn lagði viðbótarupplýsingar fyrir skýrslugjafaraðildarríkið Belgíu, í formi rannsókna á forskriftum með gögnum til stuðnings um framleiðslulutuna og fullgiltar greiningaraðferðir, innan þeirra tímamarka sem gefin voru til að leggja þær fram.
- 3) Belgía lagði mat á viðbótarupplýsingarnar sem tilkynningandinn lagði fram. Belgía lagði mat sitt fyrir önnur aðildarríki, framkvæmdastjórnina og Matvælaöryggisstofnun Evrópu, hér á eftir nefnd Matvælaöryggisstofnunin, 25. nóvember 2013 í formi endurskoðaðra draga að matsskýrslu.
- 4) Endurskoðuðu drögin að matsskýrslunni voru endurskoðuð af aðildarríkjunum og framkvæmdastjórninni, innan fastanefndarinnar um matvælaferlið og heilbrigði dýra, og þeirri endurskoðun lauk 16. maí 2014 með endurskoðunarskýrslu framkvæmdastjórnarinnar um metýlnónýlketón.
- 5) Framkvæmdastjórnin gaf tilkynningandanum færi á að leggja fram athugasemdir sínar varðandi endurskoðunarskýrsluna um metýlnónýlketón.
- 6) Framkvæmdastjórnin komst að þeirri niðurstöðu að viðbótarupplýsingarnar til staðfestingar sýndu að fastsetja ætti lágmarkshreinleika virka efnisins við 985 g/kg.
- 7) Því ber að breyta framkvæmdarreglugerð (ESB) nr. 540/2011 til samræmis við það. Gefa ætti aðildarríkjunum tíma til að breyta leyfum fyrir plöntuverndarvörum, sem innihalda metýlnónýlketón, eða afturkalla þau ef nauðsyn krefur.
- 8) Ef aðildarríki veita einhvern frest í samræmi við 46. gr. reglugerðar (EB) nr. 1107/2009 að því er varðar plöntuverndarvörur sem innihalda metýlnónýlketón ætti þessi frestur að renna út eigi síðar en átján mánuðum eftir gildistökudag þessarar reglugerðar.
- 9) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um matvælaferlið og heilbrigði dýra.

(\*) Þessi EB-gerð birtist í Stjtið. ESB L 174, 13.6.2014, bls. 33. Hennar var getið í ákvörðun sameiginlegu EES-nefndarinnar nr. 221/2014 frá 24. október 2014 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

<sup>(1)</sup> Stjtið. ESB L 309, 24.11.2009, bls. 1.

<sup>(2)</sup> Framkvæmdarreglugerð framkvæmdastjórnarinnar (ESB) nr. 608/2012 frá 6. júlí 2012 um breytingu á framkvæmdarreglugerð (ESB) nr. 540/2011 að því er varðar skilyrði fyrir samþykki fyrir virku efninum denatóníumbensóati, metýlnónýlketóni og plöntuolíum/garðmintuolíu (Stjtið. ESB L 177, 7.7.2012, bls. 19).

<sup>(3)</sup> Framkvæmdarreglugerð framkvæmdastjórnarinnar (ESB) nr. 540/2011 frá 25. maí 2011 um framkvæmd reglugerðar Evrópuþingsins og ráðsins (EB) nr. 1107/2009 að því er varðar skrána yfir samþykkt, virk efni (Stjtið ESB L 153, 11.6.2011, bls. 1).

SAMÞYKKT REGLUGERÐ ÞESSA:

1. gr.

**Breyting á framkvæmdarreglugerð (ESB) nr. 540/2011**

Í dálknum „Hreinleiki“ í 238. línu, Metýlnónýlketón, í A-hluta viðaukans við framkvæmdarreglugerð (ESB) nr. 540/2011 komi „ $\geq 985$  g/kg“ í stað hreinleikans sem fyrir er.

2. gr.

**Umbreytingarráðstafanir**

Aðildarríkin skulu, í samræmi við reglugerð (EB) nr. 1107/2009 og ef nauðsyn krefur, breyta áður útgefnum leyfum fyrir plöntuvarnavörum sem innihalda metýlnónýlketón sem virkt efni, eða afturkalla þau eigi síðar en 3. janúar 2015.

3. gr.

**Frestir**

Allir frestir, sem aðildarríki veita í samræmi við 46. gr. reglugerðar (EB) nr. 1107/2009, skulu vera eins stuttir og unnt er og skulu renna út eigi síðar en 3. janúar 2016.

4. gr.

**Gildistaka**

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 12. júní 2014.

*Fyrir hönd framkvæmdastjórnarinnar,*

José Manuel BARROSO

*forseti.*

---